



Administrativt vedtak

Saksansvarleg: Knut Fredrik Øi

Arkivsaknr.:
18/229-8

Arkiv
K2 - K40

Sakshandsamar
Knut Fredrik Øi,

Dato
25.06.2018

Tildeling av fellingsløyve hjort og elg - Årdal kommune 2018

Kort samandrag:

Vedteke målsetjinga for hjortebestanden i Årdal er i planperioden 2016-18 å stabilisera bestanden. Avskyting dei siste åra, med fokus kalv/ungdyr gjer at bestanden truleg har vore i vekst. Dette vert underbygga av sett-hjort-materialet, sjølv om metoden framleis er «fersk».

I kjølevatnet av CWD-problematikken hjå villrein i Nordfjella, har forutsetjingane for bestandsstorleik endra seg siden bestandsplanen vart vedteke. Mattilsynet og Miljødirektoratet peikar på at hjorteviltbestandane i randsona til Nordfjella bør reduserast med 20-30% for å minska smittepresset frå villrein til anna hjortevilt. Ei auka avskyting av hjort/elg vil også gje fleire prøveresultat som vil vera sentralt for det vidare arbeidet med CWD.

Avskytinga av hjort i Årdal vart auka med over 30% i 2016 og ytterlegare auka i 2017. Ei framleis høg avskyting er ønskjeleg som førebyggjande tiltak i CWD-samanheng. Årdal kommune meiner at avskytinga bør haldast høgt også i 2018, men at dette kan gjerast innafør rammene av vedteke bestandsplan, med dei fellingsløyva som er tildelt. Det er 95 unytta fellingsløyve frå 2016 og 2017 som kan nyttast. Desse kan fellast av valdet sjølv, eller dei kan flyttast til andre vald gjennom enkle privatrettslege avtalar. Dette vil krevja målretta arbeid i bestandsplanområdet, men er god grunneigarstyring.

Det er etter dialog med styret i bestandsplanområdet, søkt Miljødirektoratet om endra jakttid på elg i kommunen. Ordinær jakttid for elg er 25. september-23. desember. Omsøkt jakttid er den same som for hjort; 1. september-23. desember. Info om dette kjem når det er fatta vedtak i saka.

Vedtak:

Med heimel i *Forskrift om forvaltning av hjortevilt*, stadfester Årdal kommune vedteke tildeling av fellingsløyve for hjort i tråd med vedteke bestandsplan. Det er totalt 636 fellingsløyve i planperioden 2016-18. Unytta fellingsløyve frå 2016 og 2017 kan nyttast i 2018, totalt 95 løyve.

Årdal kommune tildeler 12 fellingsløyve på elg.

Årdal kommune tilrår at fellinga av hjort og elg i 2018 vert auka, innafør rammene av bestandsplanen.

Tiltaket er vurdert etter Naturmangfoldlova.

Vedlegg:

Løyvetildeling Årdal 2018 elg

Løyvetildeling Årdal 2018 hjort

Aktuelle lover, forskrifter, avtaler m.m.

- Forskrift om forvaltning av hjortevilt – rundskriv (heretter kalla Hjorteviltforskrifta)
- Forskrift om jakt- og fangsttider samt sanking av egg og dun for jaktseongene fra og med 1. april 2017 til og med 31. mars 2022 (heretter kalla Forskrift om jakttider)
- Naturmangfaldlova

Saksutgreiing

Årdal kommune godkjente i 2016 oppretting av Årdal bestandsplanområde for hjort, og bestandsplan for dette området i perioden 2016-2018. Målet for planperioden var å stabilisera hjortebestanden på 2015-nivå, etter tilgjengeleg kunnskap. Planen omtala fordeling av fellingane på kjønn og alder, og meinte at produksjonen i stamma ga rom for å auke uttaket for å nå målsetjinga om stabilisering. Kvota vart auka med om lag 30% og fellingane i 2017 med 177 felte dyr er ei auke med over 60% i forhold til åra før ny bestandsplan.

Sett-hjort-materialet, samt det faktum at fellingane dei siste åra har hatt auke fokus på uttak av kalv og ungdyr, framfor vaksne dyr, gjer at det er god grunn til å tru at bestanden har vore i vekst. Om det auka uttaket bidreg nok å stabilisera, gjenstår å sjå. Vinteren 2017/2018 har i tillegg truleg vore tøff for hjorten.

Etter at bestandsplanen for hjort i Årdal vart vedteken, har forutsetjingane for bestandsstorleik endra seg i kjølevatnet av påvisninga av skrantesjuka på villrein i Nordfjella. Frå sentrale styresmaker er det oppmoda om at kommunane kring Nordfjella legg til rette for ein bestandsreduksjon av hjorteviltet. Dette gjeld også Årdal kommune. I saneringsplanen for villrein i Nordfjella er bestandsreduksjon i randsona skissert til å vera 20-30%. Styret i Årdal bestandsplanområde har i lag med administrasjonen diskutert situasjonen, men har avventa meir konkrete tilrådingar, jamfør den allereie auka avskytinga.

Økonomiske konsekvensar

Auka avskyting gir høgare innbetalingar til viltfondet i form av fellingsavgift.

Vurdering

Erfaringane frå 2016 og 2017 syner at samarbeidet med grunneigarsida i Årdal fungerer godt. Oppmodinga om auka felling har vore fulgt opp og fellingstalet for hjort har hatt ein kraftig vekst desse to åra. Situasjonen i høve skrantesjuka er framleis aktuell og det er eit ønskje om bestandsreduksjon i område kring Nordfjella. I tillegg syner analyser av fluorskade hjå hjorteviltet i Årdal til dels store problem. Landbrukskontoret får også ein god del attendemeldingar om skadeproblematikk knytt til hjorten. Dei trafikale utfordringane knytt til hjort er også aukande. I sum er det altså mange gode grunner til at uttaket av hjort bør vera høgt i åra som kjem. Ny bestandsplan for hjort skal lagast til etter jakta i 2018. Då lyt ein gjera opp status og vurdera vegen vidare.

Det er etter dialog med styret i bestandsplanområdet, søkt Miljødirektoratet om endra jakttid på elg i kommunen. Dette som eit tiltak for å auke avskytinga av både hjort og elg. Ordinær jakttid for elg er 25. september-23. desember. Omsøkt jakttid er den same som for hjort; 1. september-23. desember. Info om dette kjem når det er fatta vedtak i saka.

Konklusjon:

Rådmannen tilrår at tal fellingsløyve for planperioden er i tråd med vedteke bestandsplan. Alle unytta fellingsløyve frå 2016 og 2017 kan nyttast i 2018. Det er tildelt totalt 636 fellingsløyve for hjort i planperioden 2016-2018. Rådmannen tilrår at det vert ein auka felling i 2018, innafor dei rammene bestandsplanen gir.

Rådmannen tilrår same tildeling av fellingsløyve på elg som før, totalt 12.